

san wòorônan - nimòrò 68  
òkutòburu kalo - san 1977  
**bp:24 - bamakò (mali)**  
telefòn : 22104 — ccp : 0155  
dòròmè 5

kibarudilalaw kuntigi : amadu ganyi kantè

# Kibaru

a bè bò kalo o kalo, faso ka kibarudiso ka yamaruya kònò


## mali yèrèmahòrònya seli kèra ni nisòndiyaba ye

mali ka yèrèmahòrònya sanyè-lèma seli tan ni wo'onwulanen kèra gintanba ye nyinan, jamana fan bée kònò. nyènajè ani nisòndiyaba kow bée kèra. tanjuniw kèra. medayiw díra. min ka kan ani min man kan, olu bée fòra. forobabaarakèlaw, kènyèrèyew, denmisènw, musow, nin bée kelen kelen joyòrò dantigèra jamana kuntigiw fè.

komite militèri ka cidenw sera mara kelen kelen bée kònò, ka jamadenw nyininka u hakilina taw la, jamana dilali an'a ka nyètaa konyuman na, k'u nyininka jamana yiriwali cogo nyuman na, k'u nyininka malidenw ka forobatònba sigi cogo nyuman na sen kan. bée y'i miirina ta fo, cè ani muso, denmisèn an i mògòkòròba. min b'o nyininkaliw la, aw y'o mèn arajomali la. sisani sa, anw bè mun fò k'a da nyèmògòw ta kan ? o ye cèsiri

ye, cèsiri min ye cikè masiri ye k'a d'a kan, jamana kuntigiw bée y'aw tanu. ni mògò tanjuna ka ban, doni girin de sigiri i kun dè. o la sa, a man kan, aw ka bò nyèmògòw jigi kòrò, n'u, bë ka gòfèrènaman baarakèla juguw kèle tuma min u ka basigibaliya la u ka baarakèdaw la. min b'o fana la, aw y'o fana mèn arajomali la. o ye mun ye ? baarakèlaw bë baara bila ko u bë taa balo nyini dugu kònò, n'o ye nyò ni malo ye. jòn de b'o balo dila ? aw cikèlaw. nyèmògòw b'o dòn, baarakèlaw b'o dòn, aw yèrè b'o dòn. aw kana salaya : taari kelen man dògò, taari kèmè man ca. kilo kelen man dògò, tòni kèmè man ca. dò de bë fara dò kan, k'olu kèka dò wèrè dafa, walasa sòdà ka labòli kè.

amadu ganyi kantè kibarudilalaw kuntigi



## nin kibaru kònòkow

k'a ta nyè 2 la, k'a bila nyè 8 la, aw tè foyi sòrò nin kibaru kònò nin kunnafoni nafamaw dòròn tè. kibaruw, nsiiriw, kuma kòrhaw, ani fèn caman wèrèw, ani jaaw.

## kolonèli musa tarawele ka kuma



sètanburu kalo tile 22, yèrèmahòrònya tali seli hukumu kònò, an ka jamana kuntigi ye jèmukan nafamaw lase jamaden bée ma. kolonèli musa tarawele ka jèmukan kònòna la, a y'i sinsi kosèbè forobabaara kè cogo kan an fè bi forobabaarakèlaw fè.

an bëna o kunba kunba tòmò, k'u lase aw ma kibaru in kònò.

(a tò bë nyè 7 la)

## nsiirin

nin tun ye donsokè dò ye, a tun bë sogo faga kosèbè, nka den tun t'a fè.

donsokè in kònðganna. a taara kungo kònð don dò la, a taara se jiri juba ma. a y'i sigi o suma na. a ko :

- ne kònðganna. ne bë sogo faga kosèbè, hali kunkolo jeni den tè ne bolo.

o y'a sòrò, jinèkè bë o jiri sunba in wo kònð. jinèkè bòra ka na ko :

- n'terikè, e bë mun kònðgantò kan fò la yan ?

donsokè ko :

- n'terikè, ne kòni kònðganna. ne ye donso ye. hali den kelen tè ne fè ka n'ka sogo kunkolow jeni.

jinèkè ko :

- nin tè baasi ye, n'terikè. n'a y'a sòrò, aw bi mògò ka fitiriwaleya tè, ne tun bë sababu dò di i ma, i tun bë den sòrò.

donsokè ko :

- o tè baasi ye. ni i ye sababu in di ne ma, ne t'i fitiriwaleya abada.

jinèkè ko :

- i bë layidu kelen di n'ma. n'i ye den in sòrò, i bèn'a kè ka ne sòn. a ko :

- o tè baasi ye, ne sònna o ma.

jinèkè y'a sababu dila k'a di donsokè ma. a taara n'a ye so. donsokè ye denkè kelen sòrò.

denkènin nana kògò ka kè kama-lennin ye, a ye ci bila ka taa a benninkè la, k'a bë dafale sònñikè. o y'a sòrò, a m'a nyè fò mògò si ye, n'a benninkè tè. a ye sònñikèfènw nyini. don dò la, a ko a den ma, k'u ka taa dafale sònñikè la. benninkè in fana ye sira minè, a bë taa a bènkè ka dafale sònñikè yòrò la. a nana se a bènkè ka du kònð, du kònð mògò ko a n'a den taara sònñikè. benninkè ye u nò minè, ka taa.

donsokè n'a den sera jinèkè ka

## kibaru kanubagaw kuma yòrò

yòrò la, jinèkè bòra, ka na donsokè ma, ko :

- layidu sera wa ?

a ko :

- òwò, layidu sera. an nana i ka layidu timè.

a y'a den in da, ko a b'a kan tigè, jinèkè nana a bolo ni muru minè nyògòn na, ko :

- n'terikè, i ye kantigi ye. nka, i kana den kan tigè. n'i ye ba kè ka ne sòn, o bë ne nyè.

o la, benninkè bolitò nana, k'o ka den wuli, k'ale da o nò na, ka ale kan tigè. jinèkè ko donsokè den wo, a benninkè wo, u si kana kan tigè. ko donsokè ka bá kè k'ale sòn. ba min kèra ka jinèkè sòn, o kan dira benninkè in ma.

bagan mana faga, a kan bë di mògò balimaden ma. a kòrò filè nin ye. bëe n'i kan jujòn don bamanan na.

banjugu tarawele

zorokoro

fulakanmènnaw ka yòrò :

## dillinkoobe

kettine keđe yalla o d'on keba faamu

- sarwusi kayboowo kebe laydi men ndi o yeggiataali on
- wala fu dullu'dò bonanda mo yooro duu'bì y'abbi'dì
- wa'dì e jawle mend'e. nay - bey e baali fu mbaati faa d'allidì
- d'un saabi so laamu o fii dabare yalla daabaaji d'i ana njirwa,
- yalla hu'dooli d'i ana ñeydo. leydi amerike e leydi mali ndenti e golle o
- sarwusi kayboowo daabaji e tew o, on haybata golle o.
- anniya mabbé yo faabaade on no jawle mon njirwita, no nguure daabaaji hebirte faa heewa, yalla o d'on keba nawtoraade d'i no moy'íri
- y'inbe mali e amerike mbawbé golle o faa njotti kaddi gollidata e mon nde walde ana wiye "mali - livestock II" nde jannginan yinbe ngonndoobe e mon. laatotoobe wakiili en hakkude mon e mabbé.
- anndon wana riwtade no gollirton ni ñe anniyi. ko ñurid'un fu jaati e be god'a'ini no gollirton ni. ko ñe njid'i yo ñeydannde on famu e anndal yalla o d'on ñeydoro kebal. sabi fulbe mbii kellowo e mbomoowo fu yo ina njonmbaajo faboto. ndenno kebon tay'oral wiide nafa mon woni hen. jilli, hoolare e pabodural ana wajjinmbini hakkude mon e mabbé so o d'on njidi golle o tabita.
- "mali - livestock" ana tay'ori wiide fade golle o tinmude on keban ko njid'on so alla jaibi jaabima.
- on anniya yo : keewal e njirwal daabaaji mon.
  - yo : keewal e bíllital hu'dooli ladde mon.
  - yo : d'uu'dal nafaaji jawle mon.
- ndental d'e ged'e yo ñeydaari mon e ley ngurndan lobban
- yo mali yaaru yeeso
- yo amerike yaaru yeeso
- yo ndental amerike e mali yaaru yeeso.

# bamanankan in ka gèlèn

## nyininkali

nin ye sèbèn ye, ka bò kurumaso balikukalandenw yòrò. sòsòli de kèra arajomali kuma dò kan, ni o ye "gadonmuso" kòrò ye. kalandenw ye sòsòliba kè "gadonmuso" ko kan, o ma to nyògòn ta la.

dòw y'a jira ko mògò nasòn wèrè don. kulu filanan y'a jira ko mògò nasòn wèrè tè. muso minw bè tobili kè, olu ko don. nka, u m'a to nyògòn ta la. balikukalandenw de ye nyininkali in kè, nka, mògò caman ma se ka faamuya sòrò "gadonmuso" ko kan.

## jaabi

ni mògò ye i miiri "gadonmuso" tògò in na, i bè kuma saba de ye a la. a fòlò ye "ga" ye : ga ye min ye, an bée b'o dòn. o ye tobilikè yòrò ye. a filanan ye "don" ye : i mana a fò ko mògò bè don ga la, walima ko a kà baara ye tobili ye, o bée kòrò ye kelen ye. a sabanan ye "muso" de ye : a ka ca a la, muso de ka baara ye tobili ye.

o la sa, "gadonmuso" ye muso ye, min bè don ga la, walima muso min ka baara ye tobili ye. kurumaso mògòw kulu filanan ye min fò, o de ye tinyè ye : mògò nasòn wèrè tè. muso minw bè tobili kè, olu ko don.

nka, n'i y'a ye, kurumaso mògò caman ma se k'o faamuya, kòrò de b'a la. hali n'a fòra ko "gadonmuso" ye bamanankan ye, i b'a sòrò, yòrò caman bè bamananna, i bè se ka san caman kè yen, i tè a mèn mògò si da. an kòni ye kòrò min ye a la, o filè nin ye :


ni a bòra galoduguw la, muso o

muso bè bamananna, o bée bolo bè tobili la sanga ni waati bée. o tuma, n'i y'a fò ko "gadonmuso", a bè i ko i bè fèn kelen fò sinyè fila. i mana a fò dòròn ko "muso", bée b'a dòn ko o de bè tobili kè du kònò. o la sa, ka kuma fara a kan, k'a fò ko "min ka baara ye tobili ye", o kun tè. bawo, muso tè yen, n'a tè don ga la. mògò wèrè dun tè don ga la, ni muso tè. o de y'a to, "gadonmuso" tògò in tè fò ka caya bamanankan na.

nka, galoduguw la, an bè bi bi min na, muso dòw bè yen, n'u ka baara tè tobili ye belen. muso dòw

bè lakòlikaramògòya kè, dòw bè julaya kè, dòw bè dògòtòròya kè, dòw bè masinnasèbènni kè, dòw yèrè bè polisiya la, walima sèriwusida dò kuntigiya la.

o de ye faranfasi don musow ni nyògòn cè, ka "gadonmuso" tògò in don mògò dòw da, k'o faranfasi jira konyuman : muso minw bè yen, ni olu ka baara tè tobili ye, a bè fò olu ma kò lakòlikaramògèmuso, walima julamuso, walima dègòtòròmuso, walima polisimusso. ni minw ka baara ye tobili ye, ~~sokòndona~~ baaraw, olu bè wele kè ~~"gadonmuso"~~.



# musow jòyòrò jamana jòli la


nin y'a san dama dò ye, mali musow ka tònba bë ka a naniya nyumanw jira malidenw na.

kibaru nimòrò 66 kònò, an y'a fò ko a ye mobili kaari jan kelen ni sòmònò kurun motèrlama kelen ni wotoro 60 ni nyòsimasin 18 tila jamana kafow 7 musow ka tòn ni nyògòn cè.

o kò fè, k'a ta zuluye kalo tile 14 na, ka n'a bila uti kalo tile 3 la, a ye mali kafo kelenkelenna musow fara nyògòn kan, k'u dege masinkala la.

o kuncè yòrò la, a jirala ko musow ka tònba ni alimanw ka mógodémè jèkulu dò de y'i bolo di nyògòn ma ka nin baara in sigi sen kan.

fòlì kérénkérènnèn lasera musow ma, minw y'u ka baara bée to yen, ka na masinkala in dege tile 20 kònò. mali musow ka tònba tògò la, asa jalo y'a nyini muso ninw fè, u k'u iija, u ka kafo muso tòw ka bò u nun ma. bawo kalan tè mógo kelen ta ye.



## ka bò mòsuku

nin bataki bòra an balimakè basidiki ture yòrò. kibaru kanubagaw bée bë basidiki dòn, a ye sèbènni caman kè kibaru kònò, awa juma o juma ale de tun bë kibaru kunnafoniw lase aw ma. bi, lakòlidèn don mòsuku, n'o yeirisila faaba ye.

akabataki kònò kumaw filè nin ye : an balimaw, jamana ka bolodinyògònma baaraw bë hadamadenw kè kelen ye, ka yòròw surunya nyògòn na, ka bèn ni lafiya sinsi dinyè kònò. o siratigè la an bë se k'a fò ko dò bë dò dòn, dò t'o don, dò bë se dò la, dò tè s'o la. o cogo de la, jamana bée mago bë nyògòn na, belebele fara fitinin kan. jamana bée bë nyògòn dafa.

bolodinyògònma sira kan mali niirisila cè, maliden minw bë kalan nairisila, o ka ca ni 4 000 ye. u ka kalanw nyèsinnen don jamana

sòrò n'a hadamadenya walew yiri-wali ma. u bë ka kalan in kè ni dusu ni hakili nyuman ye, k'a d'a kan u bë yen faso tògò la, awa u ma nyinè don kelen da kelen, k'a fò jamana tuloma y'olu de ye. mali tè se ka kè fèn ye olu kò. mali denmisèn, ni farafinna denmisèn tò minw bë kalan nairisila, u ka kalan nògòya fanba bòra irisila nyèmògòw la. farajè jamana ba in nyèmògòw ye faamuyali kè, k'a dòn ko kalan ni fèn caman tè bèn, o de kama u ye siso n'a masiri di fu lakòlidèn wa. liburu minw, ni kalan tè taa olu kò, dòròmè tè b'olu fana na.

o tèmènnèn kò, lakòlidèn ka yè-rèladon musakaw bë bò a sira fè. ni kalan ko don, n'ma d'a la, n'balimaw, n'a bë tèmèn nin kan.

basidiki ture  
mòsuku,irisila

**kuma  
kòròma**

cè dò n'a denkè tun bë foro kònò, nyònin kòròshyèn na. cè ko a denkè ma : fèn jumèn tòlòden don ni dinyè fèn bée ye ?

denkè ko a fa ma ko : tulu.

o kèra k'u to jiri kurunin dò kòrò. u ye foro tò shyèn ka ban, ka nyò kòròbali kè ka ban.

o sanyèlèma, nyònin kòròshyèn tuma selen, u sera jiri kurunin kòrò. fa y'i kan to denkè ma : k'a da mun kan ?

denkè ko : kolo t'a la.  
ayiwa, n'balimaw, ninw mógo fila la, jumèn hakili ka di ?

sidiki tarawele  
bananba

# balikukalan ye nòba bò mali kònò

## kiimèli kun

kiimèli kèra tigo ni suman sènè baaradaba ka balikukalansow kònò, a kèra kòorisènè baaradaba taw kònò, bi kibaru bëna kunnafoniw di aw ma sirasènè baaradaba ka balikukalansow kiimèli jaabiw kan. nka kiimèli yèrè kun ye mun ye ?

- ni mògò bë baara o baara kë, i b'a fè a ka taa nyè. o nyètaa tè se ka dòn, fo i ka to ka baara kèlen kiimè, walasa a nyuman n'a juguman ka dòn.

kalan fana bë baara tòw cogo de la. a ka kan ka kiimè waati ni waati, k'a lajè n'a y'a sòrò dòn-niya bë ka yiriwa.

## manden

manden balikukalandenw san fòldon, balikukalan na. balikukalan bë kè a dugu 15 de kònò, o kalan-denw ka kiimèli kèra jate ni kalan-jè kan.

- min ye jate ye, o tilala k'a kè se 2 ye.

se 0 ye mògòw ye, minw ma se ka fosi kè. jate la, o ye mògò 16 ye. min ye kalanjè ye, o tilala k'a kè se 4 ye.

se 0 ye mògòw ye, minw ma se ka fosi kè. kalanjè la, o ye mògò 32 ye.

n'aw y'a lajè jate se ye 2 ye, kalanjè dun ta ye 4 ye.

mun y'an bila o la ?

jatekalan na, an ma girin ka fèn caman kè, bawo jate ka gèlèn. o n'a ta o ta, jate kè cogoya kalanna gafe fòlò la. nka, an ye jate tila se fila cè, bawo jatekalan ka suma ni kalanjèkalan ye.

mamadu yusufu sise.

manden balikukalandenw ka san kelen kalan kiimèlen jaabiw filè nin ye :

## jateminè

4	30	250	1001
---	----	-----	------

aw ye sumaya ni funteni suma likèlan daw kalan.

$$\begin{array}{r}
 3 \quad 10 \quad 11 \quad 20 \quad | \quad 10 \quad 8 \quad | \quad 4 \\
 +4 \quad \times \quad 5 \quad - \quad 4 \quad | \quad = \quad | \quad = \\
 \hline
 +1 \quad \underline{\quad} \quad \underline{\quad} \quad \underline{\quad} \quad \underline{\quad} \quad | \quad \underline{\quad} \quad | \quad \underline{\quad}
 \end{array}$$

kalan

sa bo soma  
sèmè kala.

i ka kaba sènè  
fini bisi  
ne ye seere ye  
den bë sin min

yamusá ye muru turu sulu la  
i ka zu lamara fo zuwèn kalo  
nyòsi nyuman bë nyò nyuman di

dabarjana ye misidaba ye, min bë baara caman nògòya cikèla ma. a bë se ka bulukuli kè, kà dannisiraw ci fero kònò, ka kòròshiyènni kè ; ani ka tiga sén. n'i b'a fè ka baara kè n'a ye, f'i ka fero gungurunw bò. n'o tè, i b'a tinyè.

se 1 :  
mògò 57 danna  
nin ma.

se 2 :  
mògò 118 sera  
ka nin kè.

se 1 :  
mògò 20 danna  
nin kalan ma.

se 2 :  
mògò 29 danna  
nin kalan ma.

se 3 :  
mògò 30 danna  
nin kalan ma.

se 4 :  
mògò 80 sera  
ka nin kalan.

# «unesco» ka nyininkali fòlò jaabibagaw



jaabiw caman ka nyi, nka kérénkérénnena na nimòd  
10 ni 40 de tigiw ka jaabiw sugandira. o tuma arajo  
kelen bë di seku bakari jalo ma ka bò jijan, arajo  
kelen bë di sidi dantè ma ka bò kilomètèrè 26 la nyòn.


1. umaru kamara, bp : 50 sènfara, kònðwari.
2. benðgò balo, bp : 14 dabu, kònðwari.
3. sanba jara bp : 3 gigolo, kònðwari.
4. musa sanburu bp : 32 dakuye, kònðwari.
5. abuduayi jakite, bankðni, bamakò.
6. sherifu sakò, bp : 180 bamakò.
7. bubakari jawara, nyarela, bamakò.
8. musa kuyatè, kibarudisoba, bamakò.
9. mari tarawele, ñòmiyiranbugu, bamakò.
10. seku bukadari jalo, jijan, balandugu, kita.
11. ibrahima danbele, jatawali, kita.
12. seyidu tarawele, kumakana, kita.
13. modi fofana, suransantumunto, jijan kita
14. sériba sangare, sankarebugu, sebekòrò, kita.
15. faganda tankara, tofasadaga, jijan, kita.
16. seyidu keyita, suransan, jijan, kita.
17. bala jara, musabugu, bafulabè.
18. banjugu sise, kenyèba.
19. fadaga danbele, kobiri, tukòtò.
20. banjugu tarawele, zorokoro, kolokani.
21. cèkura kanè, kindo, kolokani.
22. ba jara, giwoyo, kolokani.
23. makònd kònàtè, bonjan, masantola, kolokani.
24. cèkura togola, jana, joyila.
25. lasina kulubali, donobugu, joyila.
26. isa dunbuya, tènè, baginda, kulukòrò.
27. daramani samakè, tènè, baginda, kulukòrò.
28. musa tarawele, tènè, baginda, kulukòrò.
29. sega sisòkò, kiban, bananba, kulukòrò.
30. gabugukòrò keyita, soso, borðn, bananba.
31. kamati gi kulubali, sobugu, borðn, bananba.
32. nyamankòlò jara, dina, kènènkun.
33. andere sangare, bankuma, nègèla, kati.
34. banjugu danyò, kulukòrò.
35. umaru konatè, kucala.
36. aji jalo, yanfolila.
37. bakari dawu, segu.
38. marisèli jakite, sanando, segu.
39. mamadu jara, kokodi, molodo, nyòn.
40. sidi dantè, kilomètèrè 26, nyòn.
41. usumani kulubali, seriwala, kilomètèrè 30 nyòn.
42. barahima jara sokolo, nyòn.
43. amadu kònè, gureliwèrè, kònðbugu, segu.
44. adama tarawele, bugura, san.





kibaru

bèe n'i  
miirina ta



nimòro 1 - okutòburu - san 1977

## nyininkali

# hadamaden ani sòrò jumèn de bè jamana dila konyuman ?

kabini uti kalo, san 1977, nyèmògò caman kumana aw ye "unesco" ani kabaru ka nyininkaliw kan. dòw fòra arajo mali la, dòw bòra kibaru yèrè kònò. baara in masòrò la, seminèri de sen fè, min kèra bamakò "unesco" fè, mè kalo san 1977 la

o n'yògònye de y'a kanu, ka aw bila sèbènni na, nyininkaliw kan, minw nyèsinnen bè hadamadenya bugunni ani jamana yiriwali ma. o kanu de b'a jira ko bali kukalan ani kibaru kalan, olu ye sira sòrò mali kònò, min ye dinyè bée nisón-diya.

baara in bëna kè nyininkali duuru (5) de kan. nka, nyininkali fòlò këlen ko, jaabi minw sòròla o la, ka bò arajomali lamènbagaw ani kibaru kalanbagaw yòrò olu filè nin ye :

#### mali kòkan :

jaabi 4, ka bò kòdiwari jamana kònò.

#### Bamakò dugu :

jaabi 5, ka bò bamakò dugu yèrè kònò.

#### kayi:

jaabi 10, ka bò kita, bafulabèn, kenyeba ani tutoko kubedaw la.

#### kulukòrò:

jaabi 15, ka bò kolokani, doyila, kulukòrò, banaba, kenekun ani kati kubedaw la.

#### sikaso:

jaabi 2, ka bò kucala ani yanfolila kubedaw la.

#### segu:

jaabi 9 ka bò segu, nyòndò ani san kubedaw la.

jaabi ma bò moti, tumutu ani gawo maraw kònò.

jaabiw la, muso kelen sita t'u la.

nyininkali fòlò bënnna jaabi 45 de ma, mali kònò a n'a kòkan.



### ka bō sinfara kōdiwari jamana

ne umaru kamara, ka bō sinfara, kōdiwari jamana la, n'bè kibaru sōrō kalo fila o kēlo fila. ne bē arajo mali dōrōn de lamēn dōn bēe. kibaru kuntigi, n'o ye amadu ganyi kantē ye, o ye kuma fō arajo mali la, sētanburu kalo tile 16 dōn. ne ka jaabi filē nin ye :

- ni mōgō ka ca jama na la, ni mōgōw b'u ka jamana fē, u bē baara kē kōsēbē.

- ni kuntigi nyumanw bē jamana fē, mōgō caman b'i seko kē faso ka nyētaa la.

- ni fasodenw tē nyōgōn fē, ani ni kuntigiw ma nyi, faso tē taa nyē. nin ye ne ka jaabiw ye. halibi, n'bè foli bila ka taa mali jamana ma.

umaru kamara sanufaga-la, sinfara b.p.50, kōdiwari jamana.

### ka bō bamakō

ne hakilila, hadamaden ani sōrō olu de bē jamana yiriwa, bawo, sōrō tē kē ni mōgō tē. n'i ko fēn be i ka jamana kan, mōgō de b'a nyinin, k'a baara, wala sa a ka sōrō sabati jamana kōnō.

sōrō tē kē habada ni mōgō tē ; sōrō tē nyin ni mōgō tē ; sōrō tē fēn ye ni mōgō tē ; sōrō tē baara habada ni mōgō tē. jamana te si-gi mōgō kō, i n'a fō cogo min na, sōrō fana tē se ka wele ko sōrō, ni mōgō tē. sōrō ani mōgō, fēn fila don, minw bē nyōgōn daafa ka jamana dila.

bubakari jawara ka bō nyarela kin na - bama-kō.

### ka bō kolokani

ne nisōndiyalen de bē an karamōgō amadu ganyi kantē ka nyinin-kali jaabi, o jaabi filē nin ye :

ne hakili la, hadamaden de bē jamana taa nyē. bawo, sōrō bēe de bē daminē hadamaden na fōlō. nka, bamananw ko : waraba den kelen ka fisa jakumaden segifa ye. o kōrō ye ko : mōgō nyuman kēren ka fissa mōgō jugu kēmē ye, jamana kōnō. hadamaden mana caya, jamana kōnō n'a dōnnikēla fana cayara ni kunfinw, a kaca a la, o jamana tē to kōfē. banjugu tarawele, animatērē zorokoro, kolo-kani kubeda.

### ka bō kita

sōrō de bē jamana dila. kuma naani bē fōolu bēe ye tinyē ye. o kuma naani file nin ye

1 - kaari tē bololankolon na

2 - lahidu tē bololan-kolon na

3 - miiri tē bololan-kolon na

4 - bololankolon tē se ka kuma "ala" la, sōrōbagatow cē la. nin bēe masurun ye mun ye ? sōrō tē jamana min kan, o jamana tē se ka dila ka nyē.

an k'a lajē : 1972, 1973 ani 1974 sanw na, sanji dēsē ye an ka farafin jamana dōw ka sōrō segin kō. jamana wērēw, n'olu ye sōrōbagatow ye, olu de y'o jamana dēsēbagatow dēmē, uk'u ka jamanaw dila o waatiw la. ne ka mii rila, sōrō de bē jamana dila koryuman.

ibrahima danbele, animatērē jatawali, kita kubeda.

### ka bō kita

n'i y'a mēn ko jamana ka sōrō yiriwara, o y'a sōrō hadamaden de yiriwara fōlō, bawo, n'i y'a mēn ko jamana, hadamadenw don. o la sa, jamana ka sōrō bē hadamadenw de bolo. o kama, hadamadenya mana sabati, sōrō fana bē sabati.

seku bukadari jalo cikēlakōli, jijan "oacv" balandugu "s.b.- kita kubeda.

### ka bō bafulabēn

ne bala jara hakili la, hadamaden de bē jamana dila ka tēmēn sōrō kan, bawo, n'i y'a mēn ko sōrō, hadamaden de b'a waleya. ola sa, ne bala jara b'a fō ko hadamaden de bē jamana dēmē ka tēmēn sōrō kan.

bala jara animatērē musabugu, bafulabēn kubeda, kayi mara.

### ka bō segu

sētanburu kalo tile 23, san 1977, nyinkali dō kēra : mōgō ni nafolo, jumēn bē jamana taa nyē ?

### jaabi :

maa bē jamana taa nyē. nka mun na maa bē jamana taa nyē ?

ni maa ka baara nyē-na, nafolo bē yiriwa, ni maa ka baara tinyē-na, nafolo bē tinyē, jamana bē to kō fē.

nin ye gureli wērē kalanso ka jaabi ye.

amadu kōnē gureli - wērē, kōnōbu-gu segu (mali).


# kolonèli musa tarawele ka kuma

## basigibaliya baaradaw la

a fòlò : o ye baarakèlaw taalibaliya ye joona baaradaw la.

kolonèli musa tarawele y'a jira ko a ka kuma tèmènnenn la, a y'a fò k'an teriw bè se k'an dèmè ni dèmèni konyuman bée lajèlen ye, nka o t'a bali anw yèrè k'an cèsiri baara fè kosèbè, walasa an ka jamana bée bò nògò la ka taa nyè, walasa an ka jamana bée sinsi kosèbè k'a sòrò caya. barisa, anw de ta ye an ka jamana ye.

kolonèli musa ko : forobabaarakèlaw tè taa joona baaradaw la. hali n'u taara baaradaw la, u bè waati-nin kè, ka segin ka bò, ka taa u yèrèw kunko la, ka forobabaara to yen. o ye fèn ye, min tè bèn, min tè se ka jamana taa nyè. o la sa, a nyinina minisiriw fè, u k'a fò baarakè nyémogò bée ye, n'i baarakèla o baarakèla minèna baarakèbaliya, walima nalibaliya la joona baaradaw la, o baarakèla bée nyangi, a ka sèriwusi kuntigi n'a ka minisiri bée b'u niyògò sòrò.




## lakòlikaramògòw ka kow

o jèmukan tèmènnenn, jèmukan filanen bè lakòlikaramògò kan.

kolonèli musa ko degun ni hamni ni sègèn min bè lakòlikaramògò kan, o dogolen tè komite militèri ni gòfèrènaman la. kabini waati jan, komite militèri ni gòfèrènaman bée walew nyini, minw bée lakòlikaramògòya diya a kèbagaw bolo. komite ni gòfèrènaman bée kòdò fara o nyininiw kan.

kolonèli musa ko a y'a fò san tèmènnenn na ko fèerèw bée ka nyini, walasa lakòlikaramògò bée lafiya cogogo min, hali bi, komite militèri ni gòfèrènaman bée walew nyini, minw bée lakòlikaramògòya diya a kèbagaw bolo. komite ni gòfèrènaman bée kòdò fara o nyininiw kan.



## izini ani jagokèkow

o tèmènnenn kò, kolonèli musa ka kuma sabanan kèra iziniw ani an ka jagokè baaradabaw de kan.

kolonèli musa ko an ka jamana nafa sòrò ni a taali nyè, o dò bée bò nin baaradabaw la. faso jòli n'a sinsini hamni bée komite militèri ni gòfèrènaman na. u ye dèmè caman don nin baaradaw la.

n'i y'a lajè, k'a ta san 1975 la ka n'a bila bi la, u ka sòrò cayara. nka, an bée fèn minw san yògò wèrèw la, ka na an ka jamana kòndò, o fènw sòngò fana ka ca kosèbè.

a ko fana baarakèlaw cayara an ka baaradabaw ni iziniw la. u ka

baarakèlaw bée taa mògò 13 000 la.

o mògò 13 000 sara bée taa bèn dò:dmè miliyòn 1 480 ma.

kolonèli musa ko an ka nin baaradabaw bée dingè dunbaw de kòndò. n'i y'a lajè, baaradaba ninw kòndò, baara tè kè a cogo la dè. yuruguyurugu ni wari sonyèta ka ca, juru dontaw ka ca sannikèlaw la. sannikèlaw ka sòrò bée yiriwa, an ka iziniw ni an ka forobabaaradabaw bée bin.

o de kòndò, sègègèliw bëna kè baaradaba ninw na baarakè cogo ni sòrò cogoya la.



bamako



kayi



mòti



kuiukorò



tumutu



sikaso



gawo